

# UGOVOR ZA NABAVKU I ISPORUKU INTERVENTNE I SIGURNOSNE OPREME ZA LOT 5: Vatrogasne marame sa filterom za zaštitu disajnih organa za šumske požare

## I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Dženan Brkanić, (u daljnjem tekstu: **Ugovorni organ**), ID broj: 4200665390008 i
2. **FIRING d.o.o.**, ul. Čajengradska bb, 71300 Visoko, kojeg zastupa direktor, Nedžad Smajlović (u daljnjem tekstu: **Dobavljač**), ID broj: 4218200320000.

U daljnjem tekstu Ugovora, kada se Ugovorni organ i Dobavljač navode zajednički, tj. zbirno, tada su označeni kao „**Ugovorne strane**“.

## II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru najpovoljnijeg ponuđača za nabavku roba, Ugovornog organa, broj: 06-11-782-9.5/24 od 14.10.2024. godine.

## III PREDMET UGOVORA

### Član 1.

Predmet ovog Ugovora je nabavka i isporuka roba: Interventna i sigurnosna oprema za **LOT: 5 - Vatrogasne marame sa filterom za zaštitu disajnih organa za šumske požare** (u daljnjem tekstu: roba), prema tehničkim specifikacijama, koja je navedena u Tenderskoj dokumentaciji za nabavku robe Ugovornog organa, broj: 06-11-782-2/24 od 23.08.2024. godine, kao i u Ponudi Dobavljača, br. 862 od 09.10.2024. godine, koje čine sastavni dio ovog Ugovora.

### Član 2.

Robu iz člana 1. Dobavljač je dužan isporučiti prema svojoj Ponudi, te po uputstvima Ugovornog organa i u skladu sa važećim sa tehničkim propisima, pravilima i standardima.

## IV CIJENA I NAČIN PLAĆANJA

### Član 3.

Ukupna vrijednost ugovorene robe bez PDV-a definisane u članu 1. ovog Ugovora iznosi: 17.920,00 KM (slovima: sedamnaest hiljadadevetstina dvadeset KM).

PDV na ukupnu vrijednost ugovorene robe iz stava (1) ovog člana iznosi 3.046,40 KM (slovima: tri hiljade četrdeset šest i 40/100 KM).

Ukupna vrijednost ugovorene robe sa PDV-om iznosi 20.966,40 (slovima: dvadeset hiljadadevetstina šezdeset šest i 40/100 KM)

Cijena je fiksna i ne podliježe nikakvim promjenama za vrijeme trajanja Ugovora.

Ugovorni organa se obavezuje da će ukupni iznos iz stava 1. ovog člana isplatiti na račun Dobavljača broj: 1990470004025063 otvoren kod Sparkasse banke banke.

#### **Član 4.**

Ugovorne strane su saglasne da će Ugovorni organ ukupnu vrijednost iz člana 3. ovog Ugovora isplatiti u roku od 30 dana od dana isporuke robe, ako prilikom primopredaje nema primjedbi na isporučenu robu.

U slučaju da se prilikom primopredaje robe, konstatuju nedostaci i odstupanja od tehničkih specifikacija datih u Ponudi br. 862 od 09.10.2024. godine, Ugovorni organ se obavezuje da će isplatu izvršiti odmah, a najkasnije u roku od 10 dana, nakon što Dobavljač otkloni nedostatke konstatovane u Zapisniku o primopredaji roba iz člana 8. i 9. ovog Ugovora.

### **V ROK I MJESTO ISPORUKE**

#### **Član 5.**

Dobavljač se obavezuje da će robu iz člana 1. ovog Ugovora, isporučiti najkasnije u roku od 45 dana od dana potpisivanja ugovora i dostavljanja veličinskih brojeva uniformi na adresu: vatrogasna ispostava Centar, ul. Fehima ef. Čurčića br. 1., 71000 Sarajevo.

#### **Član 6.**

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Dobavljač nije mogao predvidjeti,
- kada ugovorne strane sporazumno produže ugovorni rok.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati, niti ih predvidjeti ili spriječiti.

#### **Član 7.**

Ugovoreni rok isporuke robe zbog nastanka više sile ili drugih okolnosti koje Dobavljač nije mogao predvidjeti može se produžiti i isti odobrava Ugovorni organ, s tim što je Dobavljač dužan da u roku od pet dana od nastanka više sile ili drugih okolnosti zbog koji ne može izvršiti svoje obaveze po ovom Ugovoru, obavijestiti Ugovorni organ.

Ukoliko Dobavljač svoje obaveze, zbog dejstva više sile ili nastanka nepredviđenih okolnosti, ne može ispuniti u roku iz prethodnog stava, Ugovorni organ ima pravo na raskid Ugovora.

### **VI KVALITET ROBE**

#### **Član 8.**

Dobavljač se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, br. 862 od 09.10.2024. godine, a koju je Ugovorni organ odabrao kao najpovoljniju.

Kvalitet i karakteristika robe koja je predmet ovog Ugovora, kontrolisat će ovlašteni predstavnici Dobavljača i Ugovornog organa.

Primopredaju robe između Dobavljača i Ugovornog organa izvršit će njihovi ovlašteni predstavnici.

O navedenoj primopredaji robe sačinat će se Zapisnik o primopredaji, odmah, a najkasnije u roku od 48 sati, od prijema robe, koji će potpisati ovlašteni predstavnici Dobavljača i Ugovornog organa.

### **Član 9.**

Sva eventualna odstupanja i nedostaci, prilikom primopredaje robe, konstatovat će se Zapisnikom o primopredaji robe.

Dobavljač se obavezuje da će primjedbe konstatovane Zapisnikom o primopredaji otkloniti, o svom trošku, odmah, a najkasnije u roku od 15 dana, od dana potpisivanja navedenog Zapisnika. Ako u navedenom roku Dobavljač ne otkloni primjedbe konstatovane Zapisnikom o primopredaji robe, Ugovorni organ zadržava pravo da raskine Ugovor.

## **VII OBAVEZE DOBAVLJAČA I UGOVORNOG ORGANA**

### **Član 10.**

Dobavljač se obavezuje:

- da će dostaviti garanciju za uredno izvršenje ugovora u obliku bezuslovne/bankarske garancije u roku od sedam dana od dana zaključivanja/obostranog potpisivanja Ugovora u iznosu od 10% od ukupne vrijednosti ugovorene robe bez PDV-a iz člana 3. ovog Ugovora, koji se naplaćuje ukoliko Dobavljač ne izvrši svoje obaveze po ovom Ugovoru ili neuredno izvrši iste;
- da će ugovorne obaveze izvršiti blagovremeno, u ugovorenom roku, stručno i kvalitetno u skladu sa važećim tehničkim normativima i standardima, sve prema dostavljenoj Ponudi;
- da će u najkraćem roku otkloniti eventualne nedostatke koji mu budu predloženi prilikom primopredaje robe iz člana 1. ovog Ugovora od strane ovlaštenog lica Ugovornog organa;
- da će izvršiti obuku za korištenje predmetne robe svih korisnika;
- da će prilikom primopredaje robe iz člana 1. ovog Ugovora, Ugovornom organu predati svu potrebnu prateću dokumentaciju za istu i to: garantni list za ponuđenu robu iz tehničke specifikacije, certifikate o kvalitetu isporučene robe, uputstvo za održavanje na jednom od službenih jezika u Bosni i Hercegovini i drugu tehničku dokumentaciju.

### **Član 11.**

Ugovorni organ se obavezuje:

- da će izvršiti uplatu ukupne cijene vrijednosti ugovorene robe iz člana 3. ovog Ugovora, na način i u roku utvrđenom u članu 4. ovog Ugovora;
- da će za potrebe Dobavljača dostaviti spisak veličinskih brojeva uposlenika za koje se nabavlja predmetna roba;
- da će pismeno obavijestiti Dobavljača o svakom eventualnom propustu u odnosu na pitanja utvrđena ovim Ugovorom.

## **VIII GARANTNI ROK, UGOVORNA KAZNA I RASKID UGOVORA**

### **Član 12.**

Za isporučenu robu važi garancije proizvođača robe, s tim što je Dobavljač dužan da svu dokumentaciju o garancijama proizvođača robe, pribavi i preda Ugovornom organu, zajedno sa uputstvima za njihovo održavanje. Garantni rok teče od dana kompletne isporuke robe.

### Član 13.

Ukoliko Dobavljač ne izvrši svoje obaveze u ugovorenom roku, dužan je da, Ugovornom organu za svaki dan zakašnjenja plati ugovornu kaznu u iznosu od 0,1% od ukupne vrijednosti ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

### Član 14.

Ukoliko isporuka ne bude u ugovorenom roku iz člana 5. ovog Ugovora ili u dodatno dogovorenom roku iz člana 7. ovog Ugovora, Ugovorni organ zadržava pravo jednostranog raskida Ugovora.

## IX PRELAZNE I ZAVRŠNE ODREDBE

### Član 15.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 16.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

### Član 17.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz ma kog razloga, to ne budu moguće, nadležan je Općinski sud u Sarajevu.



### Član 18.

Ovaj Ugovor stupa na snagu danom njegovog potpisivanja od strane ovlaštenih predstavnika Dobavljača i Ugovornog organa.

### Član 19.

Ugovor je sačinjen u 6 (šest) istovjetnih primjerka, od kojih svaka od ugovornih strana zadržava po 3 (tri) potpisana i ovjerena primjerka.

DOBAVLJAČ  
[Redacted]  
Ne [Redacted] vić



Broj: 934/12  
U, Visokou, 07.10 2024 godine.

Broj: 06-182-12.5/24  
Sarajevo, 19.11.2024 godine